



Faailoa atu le
Victorian Essential
Learning Standards

O faamatalaga taua mo matua e uiga i
le faiga fou i le aoaoina o tamaiti aoga
faapea le faatulagaga o aoga i Vitolia



E saunia e le Victorian Essential Learning Standards se faiga fou mo aoaoga amata mai i le Prep seia oo i le Tausaga 10 mo aoga uma i Vitolia. E faavasega e nei Standards mea taua e a'oa'o ma galueaina e tamaiti aoga i o latou taimi i le aoga. Ua fausiaina nei mea e faatupuina ai le loloto o le malamalama i pototo taua, tomai ma uiga. O le a fa'aogaina foi Standards e fuafua ai aoaoga faapea le su'esu'eina o le aga'i i luma o le tamaitiiti aoga faatasi ai ma lipoti mo matua.

Ua saunia nei Standards, ina ua maea suesuega a le Victorian Curriculum and Assessment Authority (VCAA) i totonu o le atunuu faapea le faa-va-o-malo. Sa faia ni talanoaga ma faiaoga o Vitolia faapea foi ni faatalanoaga ma faalapotopotoga i totonu o aoga aemaise le mamalu lautele. Sa aofia ai sui o matua i aai tu lalata i le taulaga faapea ma nuu i tua o Vitolia. Sa taunuu mai i le VCAA le sili atu i le 1000 tali ma faamatalaga sa saunia mai o se vaega o lenei galuega.

Le faamoemoe o lenei auala fou

O faamoemoega mo tagata talavou e fesuisuia'i. O Vitolia e lelei ana aoga, lelei ana polokalame ma lelei ana faiaoga, peitai e taua le fa'aauau ona sailiili pe faapefea ona a'oa'o tamaiti aoga aemaise mea latou te mana'omia e manuia ai a latou aoaoga.

O le faamoemoe o Standards o le tali atu i luitau o le saunia o tagata talavou mo le lalolagi lea e faataua ai le pototo fesuisui, le lalolagi o loo lutia pea i le tele o faafitauli lavelave i galuega, sosaiete, mamalu lautele ma va faa-le-tagata.

E mana'omia e tagata talavou le tele o tomai o le olaga, aemaise tomai e mafafau ai mo so latou manuia. E fesoasoani Standards i tagata talavou i le faaleleia o a latou aoaoga ma o le a fesoasoani

foi i le sauniaina o i latou mo o latou tausaga faaiu i aoaoga i le:

- Victorian Certificate of Education (VCE)
- Victorian Certificate of Applied Learning (VCAL)

E mafai foi ona aoaoina le polokalame o le Vocational Education and Training (VET) o se vaega o le VCE poo le VCAL.

O le a se mea e tumau? O le a se mea e suia?

O le a fa'aauau ona galueaina le iloa ma le malamalama o tamaiti aoga i mataupu masani e pei o le Igilisi, Saeanis, Matematika, Humanities, Gagana ma Tusi Ata. Peitai, o le faiga fou ua fesootai ai mataupu nei masani ma isi vaega o aoaoga e pei o le aoaoina o faamalosi tino, va faa-le-tagata ma tomai masani, ma lo latou iloa ona fa'aogaina o nei tomai i o latou olaga. O se vaega o lenei faiga fou ua faatulaga ai foi mea e pei o le aoaoina o tomai i le va ma isi faapea le mafafau lelei aemaise le talanoa ma le fesootai.





O vaega e tolu o le aoaoina

E tolu vaega autu ua faataoto ai le Victorian Essential Learning Standards. O nei vaega o:

- le iloa ma le malamalama i mataupu autu e pei o le Igilisi, Saeanis, Humanities, Gagana ma Tusi Ata.
- le tomai i le faamalosi tino, va faa-le-tagata ma isi tomai e pei o le gaioi ma le ola maloloina, faamautuina o lona agavaa, puleaina o lona aoaoina faapea le galulue ma isi.
- isi tomai taua e fa'aaoga foi i isi vaega o le aoga e pei o le mafaufau, fausiaina, foia o faafitauli, fesoota'iga, ma le fa'aaogaina o faiga faonapo nei (technology) mo faamatalaga ma fesootaiga.

O nei vaega e taua uma i le atina'eina o se tagata aoaoina ma se tagata agavaa. Sa avea lava ma vaega o aoaoga o tagata talavou, peitai e le'i masani ona fesootai ma mataupu autu o aoaoga. O le tuufaatasia la ua faataua ai lo latou aoga ma le taua i le ola suesue o tamaiti aoga.

O Standards na fausia i le taimi umi

Ua tele tausaga talu ona i ai faatulagaga o mataupu o aoga ma suega i aoga i Vitolia. Sa i ai foi se lagona mautu o mataupu sa faatatauina mo aoga i ia taimi sa soona tumu vale ai le polokalame o aoga. O Standards fou nei ua maua ai e aoga le avanoa e faatino ai isi galuega taua e faatatau i le matua o le tamaitiiti ma se tulaga ua oo i ai lo latou aoaoina.

O Standards fou ua faailoa ai mea e tatau ona iloa ma mafai e tamaiti aoga ona fai a'o faasolo lo latou taumafai i aoaoga. E faasolo lava foi ina faafaigata luitau o Standards a'o gasolo pea le taumafai seia oo i le Tausaga 10.

I lalo o Standards fou, o Early Years (Prep seia oo i le Tausaga 4) o le a fa'aaauu ona faamamafa i le tusitusi/faitau tusi ma le numera. E le gata i lea, o le a faamamafa foi i le ola maloloina, aoaoga o le faamalosi tino ma le faapotoina i le va ma isi tagata.

A'o faasolo tamaiti aoga i le aoga maualalo (primary school), o le a faaopoopo vaega (strands) e tolu i polokalame a tamaiti aoga, o vaega e pei o saeanisi, faamatalaga ma fesootaiga faaonapo nei, ma civics faapea tagata nuu. O le a fa'aaauu pea ona faamamafaina ma faaleleia le tusitusi/faitau tusi ma le matematika, i le faaofiina mai o nei vaega fou.



I le maea o aoga maualalo ua mafai e le Victorian Essential Learning Standards ona saunia se sootaga manino ma aoga tulaga lua (secondary school). E saunia e Standards se faavae mautu e mafai ai e tamaiti aoga ona sii mai i aoga maualalo agai i aoga tulaga lua. O le a fa'aaauu foi ona i ai se faavae e fetufa'ai ai faiaoga o aoga maualalo ma aoga tulaga lua i malosiaga ma luitau mo se tamaitiiti.

I aoga tulaga lua, o le a fa'aaauu pea ona faavae Standards i luga o vaega e tolu ma faailoa mai ai manaoga o le aoaoina o tamaiti aoga i lea taimi



o a latou aoaoga. E oo atu i le Tausaga 9 ma 10 ua iloa e Standards le mafai e tamaiti aoga ona mafaufau loloto ma iloa mea e fiafia i ai ma ua latou saili loloto foi i sootaga o a latou aoaoga ma o latou lumana'i.

O afea e tupu ai lenei mea?

- E amata ona faaofi Standards i aoga uma a Vitolia mai ia Ianuali 2006 e amata i le Igilisi ma le Matematika. I le 2005, o le a taga'i aoga uma i auala fou e fesootai ai polokalame o aoaoga ma amata ona faia suiga ina ia mautinoa le i ai o ni polokalame faataoto mo le ofoina atu o Standards.
- A'o faasolosolo malie le ofoina e aoga o Standards o le a latou sailia faiga o aoga ma le faatinoina o le aoao atu aemaise le faaleleia o auala o suega ma le faia o lipoti. O le a fa'aaauu foi ona saunia e le VCCA ma le Matagaluega o Aoga faamatalaga mo aoga ma matua a'o faatino le faaofiina o Standards.

E faapefea ona maua mai nisi faamatalaga?

- Asiasi i le website a le Standards i le <http://vels.vcaa.vic.edu.au>
- Vili le VCAA i le (03) 9651 4544 poo le 1800 134 197 (tagata o loo valaau mai i nuu i tua)
- Mo se faamatalaga i le Fuafuaga (Blueprint) mo Aoga a le Malo asiasi i le www.sofweb.vic.edu.au/blueprint/
- Faafesoota'i le aoga a lou alo.

E faapefea ona ou aafia ai?

- Fesili i le komiti a la outou aoga poo le pule aoga e uiga i le tapenaga a la outou aoga e lagolago ai lenei suiga taua.
- Fesili i la outou aoga poo le a se mea o le a tumau ae o le a foi se mea o le a suia mai i le fa'aaogaina o Standards.
- Auai ane i fono mo faamatalaga i le Victorian Essential Learning Standards, faafesili i ai ma fa'aali sou finagalo.

O se avanoa taua tele mo tatou uma e vaai totoai ai i tagata talavou ma a latou aoaoga.

© VCAA 2005



Published by

VICTORIAN CURRICULUM AND ASSESSMENT AUTHORITY

41 St Andrews Place East Melbourne Victoria 3002 Australia

TELEPHONE +61 3 9651 4300 FACSIMILE +61 3 9651 4324

EMAIL vcaa@edumail.vic.gov.au

WEB www.vcaa.vic.edu.au

